

# Résumé KHUTBAH JUMMAH

PAR LAJNA IMA'ILLAH ILE MAURICE

Pour tous commentaires ek suggestions, envoye nous ène email à l'adresse  
[ishaatlajnamu@gmail.com](mailto:ishaatlajnamu@gmail.com)


## SOMMAIRE

**Le Coran, livre  
intemporel** 02

**Le Coran: le  
guide de la  
raison** 03

**Savoir  
prodigieux du  
Réformateur  
Promis** 04

**Illustres  
compagnons de  
Badr** 05





Huzur (aba) dire ki dans sa l'époque ki nous pé vivre la, Allah finne envoie le Vrai Serviteur du Saint Prophete (saw) afin ki Quran li préserver et li repenne dans le monde. Li chagrinant ki dépi début meme de so venue, banne soi-disant érudits et mullah finne faire sa zot mission pou oppose le Messie Promis (as) et pou mette tout kalité obstacle pou arrete so mission de répanne le Saint Coran.

Le Messie Promis (as) dire ki le Saint Coran enseigne nous a propos Allah so rang. Et pena aucun lezot livre apart Quran ki kapave servi comme guidance. Si Quran ti pou révéle à bannes chrétiens, zot pas ti pou égarés. Si ene dimoune li suivre bannes commandements ki ena dans Quran et li vivre ene la vie d'après so bannes enseignements, be lera li kapave adopter même chemin ki banne Prophètes.

Huzur (aba) dire ki le Messie Promis (as) finne dire ki celui ki honore Quran lor la terre, li pou honoré lor le ciel. Bisin pas faire Quran vinne kuma ene livre ki finne oublié parski la dans meme ki nous succès trouver. Le Saint Prophète (saw) li le sceau de tous bannes Prophètes et Quran li le sceau de tous bannes livres. Pas kapave compare aucun lezot livre au Saint Coran, que ce soit en termes d'éloquence, bannes enseignement, so signification, so but, bannes prophéties ou n'importe ki lezot facette.

Huzur (aba) dire ki le Messie Promis (as) fine dire aussi dire ki li considère moindre éloignement depi le Saint Coran ou du Saint Prophète (saw) kuma ene forme d'incroyance. Le Quran li presente bannes attributs d'Allah dans ene façon ki kapave reconnaît zot dans le monde. Quran finne établir vrai compréhension lor Unicité d'Allah et fine élimine tous bannes aspects pou associer kitsoz d'autre avec Allah.



**Huzur (aba) dire ki dans ene extrait, Hazrat Massih Maoud (as) dire ki le Saint Coran li ene miracle. Ene miracle c'est ene zafaire ki extraordinaire ki ene lot kitsoz pas kapav faire. Li ene signe ki démontrer ki Bondié exister avec ene telle certitude ki pas kapav réfuter.**

**Huzur (aba) dire ki ena buku banne l'exemple ki sa pé arriver dans la Jama'at. Huzur (aba) dire ki ti ena ene missier dépi Belgique ki raconter ki li ti ene Athée. Mais par la suite, kan li finne comprend banne arguments logique, mais surtout kan li finne témoigne d'Allah so banne signes et so présence dans so la vie a travers banne expérience personnel, li pas finne ena aukene choix apart accepter ki Bondié exister.**

**Donc, péna aukene livre ki kapav considérer kuma supérieur au Saint Coran parski banne bénédiction ki nous kapav gagner a travers le Saint Coran, nous pas kapav gagne sa a travers aukene lezot livre.**

**Le Messie Promis (as) continuer dire ki seul moyen pou établi ene connection avec Allah c'est le Saint Coran. Ene dimoune pas kapav établi ene connection avec Li aussi longtemps ki li pas familiarize li meme avec Allah So banne Signes et aussi longtemps ki So la Lumiere pas pénétrer dans sa dimoune la so le cœur. Ene de banne raisons de l'avenement du Messie Promis c'est pou aide nous reconnaître sa banne signes la. Huzur (aba) dire ki Le Messie Promis (as) finne expliquer ki récits et ban zistoires ki ena dans Qu'ran ofait zot banne prophéties. Le Saint Coran li ena ene la riviere de vérités et ene l'océan de prophéties. Li impossible pou ene dimoune atteindre la certitude (dan la foi) sans le Saint Coran. Sa Bondié ki invisible au monde la, nous kapav trouve li et gagne li a travers le Saint Coran.**



Après Surah Fatihah, Huzur (aba) finne dire ki kuma tous banne Ahmadi conner, le 20 Février nous commémore le Prophetie du Réformateur Promis. Le Messie Promis (as) finne gagne revelation concernant ene fils promis ki pou possède plusieurs excellent qualités par Allah So la grâce et So aide. Huzur (aba) dire ki chaque aspects de sa prophetie la finne accompli en la personne de Hazrat Mirza Bashiruddin Mahmud Ahmad (ra) et ena même banne musulmans non-Ahmadi ki témoigne de sa zot osi. Hazrat Musleh Maoud (ra) so la santé ti bien fragile. Li pa ti gagne ene éducation séculaire kuma les autres et li ti réussi complète so bannes etudes ziska primaire seulement. Mais le nombre de bannes livres, discours, Khutbahs de Hazrat Musleh Maoud (ra) ki finne déjà publier ou ki pou publier, li ene totale de 1424.

Huzur (aba) dire ki en combinant le Tafseer-e-Kabir et Tafsir-e-Saghir, nombre total de bannes pages ki li finne écrire lor commentaire du Saint Coran li 28,735. Huzur (aba) dire ki li finne laisse derrière li ene énorme trésor intellectuel. Huzur (aba) dire ki dans le Tafseer e Kabir, Hazrat Mirza Bashiruddin Mahmud Ahmad (ra) finne écrire commentaire de 59 chapitres du Saint Coran en 10 volumes. De la meme facon finne faire ene tres grand travaille dans traduction approfondi du Saint Coran sous la forme de Tafseer e Saghir. Huzur (aba) dire ki tous bannes qualités ki ti prophétisé au Messie Promis (as) concernant le Reformatateur Promis ti apparent dans Hazrat Mirza Bashiruddin Mahmud Ahmad(ra). Allah finne accorde li ene telle connaissance et compréhension ki aucun lezotte savant pas ti comparable même devant li. Tous sa bannes ouvrages zotte ene tresor pou la Jama'at et pe encore faire ene grand travaille dans traduire so bannes ouvrages en Anglais. Huzur (aba) finne faire dua ki nous kapave tire profit de tous sa bannes travaux.



Huzur (aba) fine dire ki Hazrat Abdullah bin Amir (ra) raconter dépi so papa ki ene fois, li finne trouve le Saint Prophete (saw) pé faire namaz nawafil (surérogatoire) alors ki li ti lor so chameau et chameau la ti pé bouger. Li rapporter ki Nabi Kareem (saw) ti pé faire namaz dans direction ki chameau la ti pé marcher. Hazrat Amir bin Rabi'ah (ra) raconter ki le Saint Prophète (saw) finne dire ki chaque fois ki le ene dimoune envoie ene darood lor le Saint Prophete (saw), Allah envoie 10 salutations la paix lor li.

Huzur (aba) dire ki ensuite li pou mentionne a propos Hazrat Haram bin Milhan (ra). Fine rapporter ki ene fois le Saint Prophete (saw) finne envoie li et 70 cavaliers vers Banu Amir. Pendant ki li ti pe kozer, ene dimoune finne attaque li depi a l'arriere avec ene lance et finne aussi tuer bannes lezotte ki ti avec li. Kan le Saint Prophete (saw) finne tende sa, li finne faire dua contre bannes ki finne commette sa acte immoral la pendant ene période de 30 jours.

Huzur (aba) dire ki ensuite li pou mentionne a propos Hazrat Sa'd bin Khaulah (ra). Li ti ene Perse ki finne etabli a Yemen. Finne rapporter ki le Saint Prophete (saw) ti bien triste kan li finne apprane ki Hazrat Sa'd bin Khaulah (ra) ti décéder a Makkah puisque li pas ti kontan bannes ki finne émigrer a Madina zot retourne a Makkah ou bien ki zot prolonge zot séjour alle a Makkah pou Hajj ou Umrah. So madame ti enceinte sa l'époque-là etso zenfan finne né apres so la mort. So veuve ti près pou re marier mais quelqu'un finne dire ki li bisin attane quatre mois et dix jours avant li re marier. Kan li finne alle demande le Saint Prophete (saw) a propos sa, le Saint Prophete (saw) finne dire ki li kapave re marier ene fois ki li finne fini accoucher. Huzur (aba) dire ki ensuite mentionne a propos Hazrat Abu al-Haitham bin al-Tayyihan(ra), Hazrat Asim bin Thabi, Hazrat Sahl bin Hunaif(ra), Hazrat Jabbar bin Sakhar (ra), Hazrat Umair bin Abi Waqqas (ra). Huzur (aba) finne aussi demande pou faire dua pou banne Ahmadiis de Pakistan, Burkina Faso, Algérie aussi, kot bannes Ahmadi pe bisin subir bannes cruauté.



**Nous encourage tous ban Lajna et Nasirat  
pou suivre Khutba Jummah en direct lor ban  
chaines de la MTA**



**Click lor ban link en bas pou accéder directement**

**<http://www.mta.tv/live>**

ou

**<http://www.mta.tv/live-audio-only>**

ou pou Android app

**[https://play.google.com/store/apps/details?  
id=tv.mta.apps.muslimtv](https://play.google.com/store/apps/details?id=tv.mta.apps.muslimtv)**

ou pou iPhone app

**[https://apps.apple.com/us/app/mta-  
international/id942619881](https://apps.apple.com/us/app/mta-international/id942619881)**

